

USR LOMBARDIA- CUSL (Consulta Universitaria di Studi Latini)
Certificazione delle Competenze della Lingua Latina 2018
LIVELLO B2

01. Eodem anno¹ Cheruscorum gens regem Roma petivit, amissis per interna bella
02. nobilibus et uno reliquo stirpis regiae, qui Romae habebatur, nomine
03. Italicus. Paternum huic genus e Flavio, fratre Arminii, mater ex Actumero,
04. principe Chatterum, erat; ipse forma decorus et armis equisque in patrium
05. nostrumque morem exercitus. Igitur Caesar² eum auctum pecunia, additis
06. stipatoribus, hortatur gentile decus magno animo capessere: illum primum Romae
07. ortum nec obsidem, sed civem ire externum ad imperium. Ac primo laetus
08. Germanis adventus fuit, atque eo quod nullis discordiis imbutus pari in omnes
09. studio ageret celebrabatur, colebatur, modo comitatem et temperantiam, nulli
10. invisus, saepius vinolentiam ac libidines, grata barbaris, usurpans. Iamque apud
11. proximos, iam longius clarescebat, cum potentiam eius suspectantes qui
12. factionibus floruerant discedunt ad conterminos populos ac testificantur adimi
13. veterem Germaniae libertatem et Romanas opes insurgere. Adeo, dicebant,
14. neminem iisdem in terris ortum qui principem locum impleat, nisi exploratoris
15. Flavi³ progenies super cunctos attollatur? Frustra Arminium praescribi: cuius si
16. filius hostili in solo adultus in regnum venisset, posse extimesci infectum alimo-
17. nio, servitio, cultu, omnibus externis rebus.

¹ *Anno quadragesimo septimo ab incarnatione Christi*

² *Scilicet Claudius*

³ *Flavus apud Romanos stipendium meruerat: qua re a Cheruscis proditor ducebatur*